

Ahellil 59

- 1 N umeqran n imeddaḥen. Taynayt n Dawed f lehwa n "Ur treyyeb ca", yenna-t segga yenki Cawul aḍ ḡussen axxam n Dawed bac aṭ-enḡen.
- 2 A Rebbi, seg eḡḍawen inu fukk-ay, seg yya d-itnekkaren ḡer-i eḥḍ-ay.
- 3 Seg cerreyyen fukk-ay, si yya yessazzalen iḍammen sellek-ay.

- 4 Ahen-ayen i neč sḡimen, irgazen gedren, fella mlaymen, a Yellu, bla ma aḍ igeḡ ḍnub, u bla ma aḍ igeḡ lḡeltet.
- 5 Tazzalen, u tessejjan iman nn-sen, bla ma igiḡ ccerri, aki-d ḡer-i, exzer.
- 6 Cek a Yellu, a Rebbi, a yanezmar, Rebbi n ayet Iḡrail, akker, a' tnakfed gaḡ aya n lejnas, f lxayen acerri ur ceffeq ca xlaḡ.
- 7 Twellan-d tameddit, tnaḡaḥen am yidan, tennden ḍug filaj.
- 8 Eslet i cerri i d-yetluffan seg imawen nn-sen, ilsawen nn-sen emḍan tebbin, qqaren : " Wa ah a' ḡen-islen ? "
- 9 Embesḡeh, cek a Yellu fella-sen etdesḡed, f lejnas aya gaḡ testehzayed.
- 10 ḡer-k i ttaqaleḡ, cek a legder inu, , xaṭrac a Rebbi inu, cek ḍ taqliḡt inu,
- 11 Rebbi yeḥla a' d-yas ḡer-i, aḍ yeḡ iḡḍawen inu ḍ lfurjet zzat-i.
- 12 A Yellu la hen-neqq ca, bac agḍuḍ inu ur ahen-itettu ca. Embesḡeh, s legder nn-ek zeḡwed-ihen, a Sidi a taseddarit nn-eḡ (درعنا), ḡer tmurt enfed-ihen.
- 13 Awalen n yimawen nn-sen ḍ ḍnubat, aḍ twaṭṭfen ḍi lmendaf n wetkebbeṛ nn-sen xaṭrac neḡḡlen u sserkusen .
- 14 Suqqa-hen s uḡucci nn-ek, ekkes-ihen, ur itqima lak ḍ ict. Ammin a' tzer ddunit belli Rebbi yettef ḍi tmurt n Iḡrail si lqern ḡer lqern.
- 15 Twellan-d tameddit, tnaḡaḥen am yidan, tennden ḍug filaj.

- 16 Teglawan yađi d wawra, rezzun f lmakelt.
Ma ur ufin ca tnusen s laz.
- 17 U neč ađ yenniγ s legder nn-ek,
ađ zhiγ f tnezzayt s rreħmet nn-ek.
Xaṭrac cek i neč d taqlixt, u d amkan n tarewla d uđ ass yuħren fella.
- 18 I cek a legder inu, ađ helley,
xaṭrac Rēbbi inu, d taqlixt inu, Rēbbi yeħla idi.